

МЕСЯЦА ИУЛИЯ В 20 ДЕНЬ
СВЯТАГО СЛАВНАГО ПРОРОКА ИЛИИ.
НА МАЛЕЙ ВЕЧЕРНИ,

На Господи воззвах, стихиры на 4, глас 1:

Подобен: Небесных чинов:

Трисолнечным светом Божественного сияния, / ума чистотою нечестиваго царя, / яко законопреступника, / праведным судом обличил еси: / и небеса заключил еси, / и вдовицу с сыном препитал еси. / Моли пророче, / спастися душам нашим. [Дважды]

Божественным боговидением / достойно пророческим саном, / и разумом почтен быв, / Божественный пророче, / прорицаеши дальная яко близ сущая: / царя яко неправедна обличил еси, / и студныя священники ножем заклал еси. / Моли Христа Бога, / спастися душам нашим.

Нечестивый царь не терпя твоего обличения, / тебе Божественный пророче, глаголет: / ты ли еси томя и развращая Израиля; / ты же рекл еси: / не аз, о царю, но ты и дом отца твоего: / понеже Бога твоего Сотворшаго ты оставил еси, / и чуждыя ввел еси. / Но молитвами, Христе, твоего пророка, / от таковыя прелести избави нас, / и спаси души наша.

Слава, глас 6.

Божественный пророче, Илие, / ты неправдовавша царя о Навуфееве убийстве, / и о восхищении винограда обличив, / дерзновенно рекл еси: / понеже без правды убил еси мужа израильянина, / сице и сам убиен будеши, / и пси кровь твою полижут, / и блудницы в крови твоей измыются. / Но молитвами, Христе, твоего пророка, / купно и угодника, / таковаго прещения избави нас, / и души наша спаси, яко Человеколюбец.

И ныне, богородичен:

На стиховне стихиры, глас 2:

Подобен: ДOME Евфрафов:

Божественный пророче, / ты ревнуя по Господе Вседержителю, / молитвою небеса заключил еси, / рек: дождь и роса / да не снидет на землю, / токмо глаголом уст моих.

Стих: Моисей и Аарон во иереех Его: и Самуил в призывающих Имя Его.

Божественный пророче, / ты молитвою и милованием, / паки небеса отверзаеши, / и дождь жаждущим людям, / богато даруеши.

Стих: Ты иерей во век по чину Мелхиседекову.

Божественный пророче, / ты вдовицу с сыном препитал еси, / и молитвою горсть муки / и чванец масла умножив, / по глаголу Господню, / горсть муки, и чванец масла не умалися.

Слава, глас 8: подобен тойже:

Божественный пророче, / ты молитвою твоею огонь с небесе свел еси, / и царя уверил еси глаголати: / воистинну един Бог, / Иже Илиею проповедаемый.

И ныне, богородичен:

Владычице Благая, / святии твои руке, / к Сыну Твоему воздежи Душелюбивому Содетелю, / ущедрити рабы Твоя.

НА ВЕЛИЦЕЙ ВЕЧЕРНИ.

Поем Блажен муж, 1-й антифон

На Господи возвах, стихиры на 8. Глас 1-й.

Подобен: Небесных чинов:

Иже Фесвитянина Илию / колесницею огненною от земли Щедре преложивый, Слове: / сего молитвами спаси нас верно Тя славящих, / и того творящих радостно / божественную память и светоносную.

В труссе и вихре тонце, / видел еси Божие пришествие, / Илие богоблаженне, / просвещающее тя древле: / на колеснице же седя четвероконней, / небо прееждал еси страннолепно, / удивляемь богодухновенне.

Иереи студныя ножом заклал еси, / небо языком на землю не дождити удержал еси, / ревностию Божественною разжегся: / Елиссеа же исполнил еси / милоти поданием сугубым, / мудре Илие, / Божественныя благодати.

Ины стихиры, самогласны. Глас 2.

[Иоанна архиепископа:] Светильники возсияша вселенней два, / всесветлый Илия и Елисей: / ов убо Божественным словом / небесныя капли затвори, и царя обличи, / на колеснице же огненной на небеса вознесся, / ов же безчадныя воды исцели / и сугубу благодать прият, / Иорданския струи раздели. / И ныне со ангелы ликующе, / о нас молят, спастися душам нашим.

Яже на воздухе колесница / тя подъемши огненосна, / яко в труссе на Небеса, / огнедохновенную благодать тебе чудес подаде, / Илие Фесвитянине, / нетленна ты сотворши, еже не видети смерти, / дондеже убо проповеси всяческим кончину. / Темже прииди, / подая нам твоих исправлений наказание.

Светильниче невечерний церковей Божественною / ревностию разжигаемь, / Илие пророче, / небесныя капли затворил еси: / и враном питан быв, царя обличил еси, / и священники уморил еси: / огонь с небесе свел еси: / и пятидесятника два уморив, / наплатил еси вдовицу елеем и муки малою горстию: / и сына ея молитвою воскресил еси. / Огонь разжегл еси в воде: / Иорданския струи пеш прешел еси: / колесницею же огненною на небеса вознесся еси, / Елиссею благодать сугубую подал еси. / Молися непрестанно Богу, / спастися душам нашим.

Слава, глас 6:

[Византиево:] Приидите православных совокупление, / сошедшесе днесь в пречестнем / храме богоглаголивых пророк, / псаломски воспоем сличную песнь, / сих прославльшему Христу Богу нашему, / и веселием и радостию возопием: / радуйся, земный ангеле и небесный человеце, / Илие великоимените. / Радуйся, иже сугубую благодать от Бога приемый, / Елиссее всечестне. / Радуйтесе, заступницы теплии, / и предстатели и врачеве душ и телес христоролюбивых людей: / от всякаго прилога сопротивна и обстояния, / и всяких бед избавите верно / совершающия всепразднственную память вашу.

И ныне глас тойже :

Кто Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощя: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

Вход. Прокимен дне и чтения три.

Царств третьих чтение. [Глава 3~и.]

Бысть слово Господне ко Илии пророку, и рече ко Ахаву: жив Господь Бог сил, Бог Израилев, Емуже предстою днесь пред Ним, аще будет в лета сия роса, или дождь, аще не словесы уст моих. И бысть глагол Господень ко Илии глаголя: иди отсюда на восток, и скрыйся в потоце Хорафове, при реце Иорданове. и будет вода от потока и пиешы ю, и враном повелю питати тя тамо. И иде Илия, и сотвори по глаголу Господню, и седе при потоце Хорафове, пред лицом Иордановым: и вранове приношаху ему хлебы заутра, и мяса к вечеру, и от потока пияше воду. И бысть по днех изсше поток, яко не бе дождя на землю. И бысть глагол Господень ко Илии глаголя: Востани и иди в Сареффу Сидонскую, и пребуди тамо: се бо заповедах жене вдовице препитати тя. И востав и иде в Сареффу Сидонскую, и прииде во врата града, и се тамо жена вдова собираше дрова, и возопи Илия во след ея, и рече ей: принеси ми убо мало воды в сосуде да пию. И иде взяти воды. И возопи Илия в след ея, и рече ей: приими убо мне и укрух хлеба в руке твоей, и да ям. И рече жена: жив Господь Бог мой, аще есть у мене опреснок, но разве елико горсть муки в водоносе, и мало елеа в чванце. И се аз собираю два поленца, и вниду и сотворю себе и чадом моим, и снемы, и умрем. И рече к ней Илия: дерзай и вниди, и не сотвори по глаголу твоему: но сотвори мне оттуду опреснок мал прежде, и изнесеши ми: себе же и чадом твоим сотвориши последи. Яко тако глаголет Господь Бог Израилев: водонос муки не оскудеет, и чванец елеа не умалится, до дне, дондеже даст Господь дождь на землю. И иде жена, и сотвори по глаголу Илиину: и даде ему, и ядыше той, и та, и чада ея. И от того дне водонос муки не оскуде, и чванец елеа не умалися, по глаголу Господню, иже глагола рукою Илииною. И бысть по глаголах сих, и разболеся сын жены, госпожи дому, и бе болезнь его крепка зело, дондеже не оста в нем дух. И рече жена ко Илии: что мне и тебе человек Божий? вшел еси ко мне вспомянуги грехи моя, и уморити сына моего. И рече Илия к жене: даждь ми сына твоего. и взят его от лона ея, и вознесе его в горницу, в нейже сам почиваше, и положи его на одре своем. и возопи илиа ко Господу, и рече: увы мне, Господи, свидетелю вдовы, у неяже аз пребываю, Ты озлобил еси еже уморити сына ея. И дуну на отрочища трикраты, и призва Господа, и рече: Господи Боже мой, да возвратится убо душа отрочища сего вонь. И бысть тако. И возопи Илия, и услыша Господь глас Илиин: и возвратися душа отрочища и оживе. И поят Илия отрочища, и сведе и от горницы в дом, и даде и матери его. И рече Илия к ней:

виждь, яко жив есть сын твой. И рече жена ко Илии: се разумех, яко человек Божий еси ты, и глагол Господень во устех твоих истинен.

Царств третьих чтение. [Главы и~и и~ f~и.]

Бысть глагол Божий ко Илии Фесвитянину, в третье лето царства Ахавля, глаголя: иди и явися Ахаву, дам бо дождь на лице земли. И бысть яко виде Ахав Илию, и рече к нему: аще ты еси развращаяй Израиля? И рече Илия: не развращаю аз Израиля, но ты, и дом отца твоего, внегда остависте вы Господа Бога своего, и идосте в след ваала. И ныне послите, и собери ко мне весь Израиль на гору Кармильскую, и пророки студныя вааловы, ихже триста и пятьдесят, и пророк мерзких четыреста, ядущих трапезу Иезавелину. И по глаголу Илиину посла Ахав в весь Израиль, и собра вся пророки на гору Кармильскую, и приведе ко всем им Илию. И рече им Илия: доколе вы храмлете на оба колена ваша? аще есть Господь Бог, идите в след Его: аще ли ваал есть, то идите за ним. И не отвещаша ему людие словесе. И рече Илия к людем: аз есмь остах пророк Господень един, и пророцы вааловы, ихже триста и пятьдесят мужей, и пророков мерзких четыреста. И рече Илия: дадите ми два юнца, да изберете себе одинаго, и растешите и на уды, и возложите и на дрова, да не приложите огня. И аз растешу юнца другаго, и возложу на дрова, и огня не возгнещу. И да призовете имена богов ваших, и аз призову Имя Господа Бога моего: и будет Бог, иже аще послушает огнем, той есть Бог. И отвещаша вси людие, и реша: добр глагол Илиин, иже глагола, да будет тако. И рече Илия пророком студным: изберите себе юнца одинаго, и сотворите вы прежде, яко вас есть множество, и призовите имена богов ваших, и огня не пригнешайте. И пояша юнца, и сотвориша тако. и призываху имя ваалово от утра и до полудне, и реша: послушай нас, ваале, послушай нас. И не бе гласа ни послушания: и рыскаху около жертвенника, иже сотвориша сии. И бысть полудне, и поругася им Илия Фесвитянин, и рече: зовите гласом великим, яко богу вашему непразднство есть: да еда что иное строит, или уснул есть, да убудите его. И зовяху гласом великим, и крояхуся по обычаю своему ножи, и мнози биша себе бичьми до пролития крове своя. И прорицаху: и бысть до вечера, яко быти время взыти жертве, и не бе гласа. И глагола Илия к пророком студным, глаголя: отступите ныне, да и аз сотворю жертву мою. И отступиша тии, и умолкнуша. И рече Илия к людем: приступите ко мне: и приступиша к нему вси людие. И прият Илия дванадесять камней, по числу колен сынов Израилевых, якоже глагола ему Господь: Израиль будет имя твое. И созда камение во имя Господне, и исцели олтарь раскопанный. и сотвори море вмещающее две мере семене окрест олтаря: и воскладе полена на олтарь, иже сотвори, и растеса на уды всесожегаемое, и возложи на полена, и обыде олтарь. И рече Илия: принесите ми четыре водоносы воды, и возливайте на всесожжение и на полена, и сотвориша тако. И рече: удвойте, и удвоиша. И рече: утройте, и утроиша. И прождаше вода окрест олтаря, и море исполнися воды. И возопи Илия на небо, и рече: Господи Боже Авраамов и Исааков и Иаковль, послушай мене, Господи, послушай мене днесь огнем: да разумеют вси людие сии, яко Ты еси Един Господь Бог Израилев, и аз раб Твой, и Тебе ради сотворих дела сия вся: и Ты обрати сердца людей сих в след Тебе. И паде огонь от Господа с небесе, и

пояде всесождения и полена, и камение и персть, и воду яже бе в мори, вся полиза огонь. И падоша вси людие на лица своем, и реша: воистинну Господь Бог, той есть Бог. И рече Илия к людям: поймайте пророки вааловы, да ни един скрывается от них. И яша их и веде я Илия на поток Киссов, и ту их закла. И рече Илия посем Ахавови: се глас хождения дождевнаго, впрязи колесницу твою, и сними, да не постигнет тебе дождь. И възыде Илия на Кармильскую гору, и преклонися на землю, и положи лице свое между коленом своим, и помолися ко Господу. И небо помрачися облаки и духом, и бысть дождь велий: и плачяся Ахав, иде до Иезраеля. И рука Господя бысть на Илии: и стягнув чресла своя, тече пред Ахавом до Иезраеля. И возвести Ахав жене своей Иезавели вся, елика сотвори Илия: и яко закла пророки ножем. И посла Иезавель ко Илии глаголя: утро в сей же час положу душу твою, якоже душу единого от сих. И слыша и убояся Илия, востав иде души ради своя, и прииде в Вирсавию землю Иудову, и остави отрочища своего тамо, и иде в пустыню дне путь. И пришед седе под смерчем, и проси души своей смерти, и рече: довлеет ми, Господи, прими убо душу мою от мене, яко несмы аз паче отец моих. И ляже, и успе под садом. И се ангел Господень коснулся ему, и рече ему: востани, яждь и пей. И възрев Илия, и се при возглавии его опреснок ячменный, и корчаг воды: и воста, и яде и пит, и обращя успе. И обращя ангел Господень вторицею, и коснулся ему, и рече ему: востани, яждь и пей, яко мног от тебе путь. И воста, и яде и пит: и иде в крепости яди тоя чотыредесять дней, и чотыредесять ночей, до горы Хоривския. И вниде тамо в пещеру, и вселися в ней. и се глагол Господень к нему, и рече ему Господь: что ты зде Илие; И рече Илия: ревнуя поревновах по Господе Боже Вседержителю, яко оставиши Тя сынове Израилевы, и олтари Твоя раскопаша, и пророки Твоя оружием избиша, и остах аз един, и ищут души моя изъяти ю. И рече ангел: изыди утро, и стани в горе пред Господем: и се мимоидет Господь, и дух велий и крепок и разоряя горы, и сокрушая камение пред Господем: не в душе Господь. И по душе вихрь, и не в вихре Господь. И по вихре огонь, и не во огни Господь: и по огни глас хлада тонка, и тамо Господь. И бысть яко услыша Илия, покры лице свое милотию своею, и изыде, и ста при пещере. И се к нему бысть глас, и рече: что зде ты Илие; И рече Илия: ревнуя поревновах по Господе Боже Вседержителю, яко оставиша завет Твой сынове Израилевы, и олтари Твоя раскопаша, и пророки Твоя избиша оружием, и остах аз един, и ищут души моя изъяти ю. И рече Господь к нему: иди, возвратися путем твоим, и пойдеш в путь пустыни Дамасковы, и помажеш Азаила на царство во Ассирии: И Ииуа сына Амессиина помажеш в царя Израилю, и Елиссеа сына Асафатова помажеш вместо себе пророка.

Царств четвертых чтение. [Глава в~.]

Бысть во дни оны, обрете Илия Елиссеа сына Асафатова, и той ораше волами. И иде Илия к нему: и поверже Илия милоть свою на нем, и остави Елиссею волы, и тече создади Илии, и служаше ему. И бысть егда взятю быти Илии Господем в вихре яко на небо: и идоста Илия и Елиссею в Галгалы. Рече же Илия к Елиссею: седи убо зде, яко Господь посла мя до Иордана. И рече Елиссею: жив Господь, и жива душа твоя, аще оставлю тебе. И поидоста оба, и пятьдесят мужей от сынов

пророческих приидоша, и сташа прямо издалеча: оба же сташа при Иордане. И прият Илия милоть свою, и свит ю, и порази ею воды: и разделися вода сюду и сюду, и преидоста ова по суху. И бысть яко преидоста и рече Илия Елиссею: проси, что сотворю тебе, прежде даже не взят буду от тебе. И рече Елиссею: да будет убо дух иже в тебе, сугуб во мне. И рече Илия: ожесточил еси просити: обаче аще увидиши мя вземлема от тебе, будет ти тако, аще ли же не увидиши, не будет. И бысть идущим им, и глаголющим, и се колесница огненна, и кони огненни, и раздели между обема. И взятся Илия трусом, яко на небо. И Елиссею зряше, и той вопияше: отче, отче, колесница Израилева, и кони его, и не виде его ктому. И ятсся Елиссею за ризы своя, и раздра я на двое. И взят милоть Илиину Елиссею, падшую верху его. И обратися Елиссею, и ста на брезе Иордана. И прият Елиссею милоть Илиину, падшую верху его, и удари воды, и не разделишася. И рече Елиссею: где убо есть Бог Илиин апфо? и удари Елиссею воды второе, и разделишася воды, и преиде по суху.

На литии стихира храма. И святого самогласны.

Глас 4:

Нетленного соединения причастник, / блаженне пророче был еси: / о Бозе Спасе моем, молитвою Иордан разделив, / по суху прешел еси, / и на огненной колеснице, / яко на небеса восхищен был еси, / сугубую благодать Елиссею оставль. / Темже молим тя, аще и телом восхищен был еси, / но духом от нас не разлучайся, / и всегда Христу молися, спаситися душам нашим.

Светозарен облак Божественный, пророче, / явился еси, / искапая тучу богоразумия всем верным, / напаяя богатно вином веселия всех, / верою притичущих к Божественнейшему храму твоему. / Темже молим тя Божественный пророче, / и боговидче, Илие, / победы на враги императору нашему даруй, / и душам нашим велию милость.

Самодержцу уму плоть покорил еси, / Божественный Илие пророче, / усердно восхождения яко по степенем в сердца твоем полагая. / Темже и неправдовавша царя обличив, / гнева Божия запрещение изрек. / И студныя священники яко неправедны ножем погубил еси, / и всех научил еси ясно вопити: / воистинну Един есть Бог, / Егоже Илия проповеда.

Слава, глас 6.

О нечестива царя повеления! / о поста исполнена крове и беззакония! / заповеда пост да убийство сотворит, / и абие убиен бысть Навуфей Израильтянин. / Что же, пророче, к сим рекл еси; / яко тако глаголет Господь: / понеже без правды мужа Израильтянина убил еси, / такожде и твоя кровь пролиена будет, / и блудницы в крови твоей измыются. / Но молитвами, Христе, Твоего пророка и проповедника, / такового безчеловечества избави души наша, / яко Человеколюбец.

И ныне, Богородичен:

Богородице, Ты еси лоза истинная, / возрастившая нам Плод живота, / Тебе молимся: молися, Владычице, / со святыми апостолы, / помиловати души наша.

На стиховне стихиры, глас 8:

Подобен: О преславнаго чудесе!

Илия пророк предивный, / зарею ум просветив, / весь бысть божественен, и царя нечестива суд неправедный зря, / негодует: темже и судом Божиим / отречение посылает на него, / такожде и царицу яко немилостиву / и златолюбиву, / суду Божию предаде. / Но молитвами, Христе, твоего пророка Илии / спаси всех нас яко милосерд.

Стих: Моисей и Аарон во иереех Его, и Самуил в призывающих Имя Его.

Доколе Господи, путь нечестивых спеется, / пророче рекл еси? / Ты насадил еси и вкоренишася, / и сотвориша плод беззакония: / воистину и сами зле погибоша нечестием своим. / Возопиют к Тебе и не услышиши. / Вскую ми показал еси / нечестие судей законопреступных?

Стих: Ты еси иерей вовеки, по чину Мелхиседекову.

Иже честное Твое восхождение, / честный во пророцех великий Илие, / празднующих твоими молитвами / от бед избавляй и скорбей, / и лютых находений: / да всегда тебе, преславный пророче, / христоименитии людие, / почитаем и ублажаем.

Слава, глас 6:

Пророче, проповедниче Христов, / престола величества никогдаже отступаеши, / и коемуждо болящу присно предстоиши: / в Вышних служа, / вселенную благославляеши, / всюду прославляем.

И ныне, Богородичен:

Творец и Избавитель мой, Пречистая, / Христос Господь, / из Твоих ложеши прошед, / в мя Оболкийся, / первая клятвы Адама свободи. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

Тропарь, глас 4:

Во плоти ангел, пророков основание, / второй предтеча пришествия Христова, / Илия славный, свыше пославый Елиссееви благодать, / недуги отгоняти и прокаженные очищати: / темже и почитающим его точит исцеления.

Слава, и ныне, Богородичен:

Еже от века утаенное, / и ангелом несведомое таинство, / Тобою, Богородице, сущим на земли явися Бог, / в неслитном соединении воплощаем, / и крест волею нас ради восприим, / имже воскресив первозданнаго, / спасе от смерти души наша.

НА УТРЕНИ

на Бог Господь, тропарь дважды.

Слава, и ныне, Богородичен.

По 1-м стихословии седален, глас 1:

На огненную колесницу. / **яко** на крилу ветренню возшед Божественный пророче, / **к** небесем преславно шествие днесь твориши, / **свыше** сугубую благодать / **и** милоть Елиссееви оставль. **[Дважды]**

Слава, и ныне, богородичен.

Матерь Тя Божию молим вси, / **Деву** воистинну и по Рождестве явльшуюся, / **любовию** прибегающи к Твоей благодати. / **Тебе** бо имамы грешнии Предстательницу, / **Тебе** стяжахом в напастех Спасение, / **Едину** Всенепорочную.

По 2-м стихословии седален, глас 3.

Храм твой Божественный / **всем** исцеления независтно источает, / **пророче** пречудне, / **с** Елиссеем предивным, / **Христу** вкупе молящися, / **низпослати** мир мірови, / **и** людем чтущым вас велию милость. **[Дважды]**

Слава, и ныне, Богородичен:

Кийждо идеже спасается, / **тамо** праведно и притекает, / **и** кое иное таковое прибежище, / **яко** Ты, Богородице, / **покрывающее** души наша.

Величание:

Величаем тя, святой славный пророче Божий Илие, и чтим еже на Небеса на колеснице огненной, преславное восхождение твое.

Ино величание:

Величаем тя, пророче Илие славне, и почитаем еже на Небеса с плотию, огненное восхождение твое.

Ино величание:

Величаем тя, пророче и предтече пришествия Господня, Илие славный, и чтим, еже на небеса с плотию, огненное восхождение твое.

По полиелеи седален, глас 8:

Премудрости яко рачитель быв, / **пророче** всечестне, / **неправедна** царя неправдующа яве обличив, / **и** уверил еси вопити: / **воистинну** Бог Един есть, / **Иже** Илиею проповедуемый. / **Отсюда** же Иезавель о восхищении, / **и** о златолюбии обличил еси, / **пророче** и предтече пришествия Христова, / **Илие** великоимените, / **моли** Христа Бога, / **грехов** оставление даровати, / **восхождение** твое верно славящим.

Слава, и ныне, Богородичен:

Яко Деву и едину в женах, / Тя без семене Рождшую Бога плотию, / вси ублажаем роди человечести: / огонь бо вселися в Тя Божества, / и яко младенца млеко питаеши Зиждителя и Господа. / Тем ангельский и человеческий род, / достойно славим пресвятое Рождество Твое, / и согласно вопием Ти: / моли Христа Бога согрешений оставление даровати, / поклоняющимся верою Пресвятому Рождеству Твоему.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава и ныне: / Святым Духом / всяка душа живится, / и чистотою возвышается, / светлеется Троическим Единством священнотайне.

Прокимен, глас 4:

Прокимен: Ты иерей во век, по чину Мелхиседекову.

Стих: Рече Господь Господеви моему: седи одесную Мене, дондеже положу враги Твоя подножие ног Твоих.

Всякое дыхание:

Евангелие Луки, зачало 14.

Во время оно, дивлѣхъсѧ ѡ словесѣхъ влѣти, исходѣшихъ изъ ѡустъ егѡ, и глаголахъ: не сѣй ли ѣсть снѣ и ѡсифовъ; **И** рече къ нимъ: всѧкъ речете ми притчѣ снѣ: врачѣ, изцѣлиса самъ: елика слышахомъ бывша въ капернаѣмѣ, сотвори и здѣ во ѡтѣчествїи своемъ. **Рече** же: аминь глѡ вамъ, ѣкѡ ни котѡрый прѡрокъ прїѣтенъ ѣсть во ѡтѣчествїи своемъ: поистиннѣ же глѡ вамъ: мнози вдовицы бѣша во дни илїинѣ во иїли, егда заключисѧ небо три лѣта и мѣць шестъ, ѣкѡ вѣсть глѣдъ великъ по всѣй земли: и ни ко еднѣи ихъ посланъ вѣсть илїа, токѡмъ въ сарептѣ сїдонскѡю къ женѣ вдовицѣ: и мнози прокажени бѣхѣ при елїссѣи прѡроцѣ во иїли: и ни еднѣи же ѿ нихъ ѡчїстисѧ, токѡмъ нееманъ

сѣрїанїнъ. **И** испѣлнїшасѧ всї ѣростї въ сѣмїици, слышавшїи сїѧ: и востѧвше изгнѧша єго вѣнъ и зъ градѧ, и вєдѣша єго до верхѣ горы, на нєйже градъ ѣхъ сѣзданъ вѣше, да выша єго низрїнѣли: онъ же прошѣдъ посрєдѣ ѣхъ, идѣше.

По 50-м псалме стихира, глас 4:

На огненной колеснице на облак взялся еси, / и во страну световидну преложился еси, / о Фесвитянине Илие, / студныя пророки посрамив: / иже небо словом связавый, / тако разреши и наша согрешения, / ко Господу молитвами твоими, / и спаси души наша.

Канон Богородицы, со ирмосом на 6, глас 8: Воду прошел:

И пророка два канона, на 8.

Первый канон, глас 2.

Песнь 1.

Ирмос: Поим Господеви, в мори древле / люди наставльшему, / и в нем фараона со всевоинством погрузившему, / песнь победную, яко прославился.

Видети желающїи Илиї чудес огнедохновенную силу, огнезрачнаго и честнаго языка, Духа крепость, по достоянїю собрахомся.

Устне, богоносе, и недоуменнаго языка, тесноту же и худогласїе, действием еже в тебе Духа отверзи, и уясни к пенїю чудес твоих.

Даеши паче естества повинувшымся, Слове, честным Твоим повелением, и покаряеши дождю двери духом, утверждаемо слово содевая.

Богородичен: Поем Господеви от Девы Рожденному, и мїр обновльшему, и Тоя ради нам жизнь Божественную даровавшему, песнь победную, яко прославился.

Другий канон, [творение иеромонаха Пахомя,] егоже краестрочїе: Пою хвалу великому Илиї. Глас 8.

Песнь 1.

Ирмос: Воду прошел яко сушу, / и егїпетскаго зла избежав, / Израїльтянин вопїяше: / Избавителю и Богу нашему поим.

Орган явился еси, ударяемъ Божественным бряцалом, пророче пречудный, Всевєдца Бога воспевая, отмщєнїе праведно всем дающа по делом их.

Иже не терпя прелести, пророче чудный, царя обличил еси неправдующа о беззаконїи: темже суд Божїй полн гнева, тому нанесл еси осуждения.

Пророче и предтече благодати, Божественный Илие, Ахава нечестиваго царя, ты яко законопреступника обличив, студныя священники яко непреподобны погубил еси.

Богородичен: Христову Матерь в песнех воспети достойно вернии потщимся, яко Спаса всех Рождшую, животом и смертью Владчествующаго.

Катавасия: Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою радуяся Тоя чудеса.

Песнь 3.

Ирмос: На камени мя веры утвердив / разширил еси уста моя на враги моя, / возвесели бо ся дух мой, / внегда пети: несть свят, якоже Бог наш / и несть праведен, паче тебе, Господи.

Яко изряден пророче учреждитель, иже враном творя тебе гощение, единый насыщай всяко животно благоволения. емуже вси зовем: Ты еси Бог наш, и несть свята паче Тебе, Господи.

Благодать благодетелю и строителю, вдовицу и пророка напитавшему, неизреченным промыслением. емуже вси зовем: ты еси Бог наш, и несть свята паче тебе, Господи.

Затворивый тученосныя облаки одождити, пищи лишаеме Сареффе, останок брашна непрестанно росити сотвори. Ты же взывал еси: несть свята паче Тебе, Господи.

Богородичен: Ты едина паче всех от века, великим сподобилася еси, и паче естества: Бога бо Невместимаго всею тварию, во чреве прияла еси, и воплотила еси. Темже Богородицу Тя вси почитаем.

Ин.

Ирмос: Небеснаго круга / верхотворче, Господи, / и церкви Зиждителю, / Ты мене утверди в любви Твоей, / желаний краю, верных утверждение, / едина Человеколюбче.

Всех милостивно пророче наказуеши, и всех милуеши, к тебе верою притекающих во храм твой, и помощи от тебе просящих, никакоже погресиша.

Ахава нечестиваго царя, ты, Божественный пророче, обличил еси: и яко преступника закона, судом Божиим осудил еси.

Безстудная царица Иезавель, тебе Божественнейший пророче искаше убити, яко на тоя несвященныя священники, по достоянию суд смертный навел еси.

Богородичен: Место священия славы, и мысленную Чистая трапезу, хлеб Христа жизнь всех Приемшую, поем Тя, Владычице.

Катавасия: Твоя песнословцы Богородице, / живой и независтный источниче, / лик себе совокупльшия, духовно утверди, / в божественней Твоей славе / венцев славы сподоби.

Седален, глас 8:

Подобен: Премудрости:

Источника чудес, пророков удобрение, / вси песенно, вернии, восхвалим, / Фесвитянина Илию: / с плотию бо еще сый безсмертен, / яко мертв уверяет мертвых востание. / Темже дерзновение к Богу имея, / подавает исцеления верою просящим, / и молится Христу прилежно, / согрешений оставление подати, / празднующим любовию / святую память его. **[Дважды]**

Слава, и ныне, Богородичен:

В напасти многоплетенная впад / от враг видимых и невидимых, / бурею одержимь безчисленных согрешений моих: / и яко к теплomu заступлению и Покрову моему, / Чистая, / ко пристанищу притекаю Твояя благости. / Темже Пречистая, / из Тебе Воплощенному без семени, / молися прилежно о всех рабах Твоих, / непрестанно молящих Ти ся, / Богородице Пречистая, молящи Его присно, / согрешений оставление даровати / воспевающим достойно славу Твою.

Песнь 4.

Ирмос: Услышах, Господи, / слух Твоего смотрения, / и прославих Тя, / Едине Человеколюбче.

Кореносекатель убо явился еси злобы, мудре пророче, добродетели же насадитель. Темже тя ублажаем.

Укоряше тя словесы вдовица пищею смерти, пророче, отрока востание уверяющи.

Назнаменова славу Троицескую яве дуновением тричисленным, матери детища жива дарова.

Коль разжеглся еси, паля Божественным огнем, и ревностию о пророче, царя обличая творяща беззакония.

Богородичен: Молим тя, Чистая, Бога без семени заченшую, присно молитися за рабы Твоя.

Ин.

Ирмос: Услышах, Господи, / слух Твой и убояхся, / яко неизреченным советом, / Бог Сый Присносущный, / от Девы прошел еси воплощься. / Слава низхождению Твоему, Христе, силе Твоей.

Венча тя Господь пророка премудре, и благодать тебе даруя прорицати будущая, яко настоящая. Темже ныне словесем сбытие зряще, хвалами присно тя яко истиннаго пророка ублажаем.

Елико по премногу смиренномудрием украшена, пророка Твоего душа, Христе Боже: толико паче огня ревностию распалема, студныя священники погуби.

Лицем, яко зеркалом разрешшымся, лицу Христову предстоиши, пречудне пророче: отонудуже нас милостивно посещай, да вси тя хвалами яко пророка ублажаем.

Богородичен: Надежду и утверждение, и спасения стену нерушиму, Тя стяжавше Всепетая, злобы всякия избавляемся.

Катавасия: Седяй в славе, / на престоле Божества, во облаце легце, / прииде Иисус Пребожественный, / нетленную дланию, и спасе зовущия: / слава, Христе, силе Твоей.

Песнь 5.

Ирмос: Света Подателю, / и веков Творче, Господи, / во свете Твоих повелений настави нас: / разве бо Тебе иного Бога не знаем.

Закон отеческий тя, яко молитвенника всеистинна показа, чудодейственника, обращающа естества стихий, Илие, и преподобну жертву поपालюща водами.

Посрамил еси изрядно, яко истины служитель, преподобне, сквернаго студа пророки, всеблаженне Илие, яве начертав Троицескую силу.

Словом благодати священствуя, Илие, заклал еси священники студныя неповинными твоими руками, якоже огнем ревностию опаляемь.

Богородичен: Тебе Рождшей Христа всему Содетеля взываем: радуйся, Чистая, радуйся Свет возсиявшая нам, радуйся, вместившая Бога Невместимаго.

Ин.

Ирмос: Вскую мя отринул еси / от лица Твоего, Свете Незаходимый, / и покрыла мя есть чуждая тьма окаяннаго? / по обрати мя, и к свету заповедей Твоих / пути моя направи, молюся.

Иже Божественныя благодати явлена незаходима заря, и ум Божественнейший, пророче Илие, искренно стяжав благочестивых к пению возставляеши.

Кто не удивится Божественней ревности твоей, пророче всечестне? кто ли не воспоеет Христа, толику крепость тебе даровавшего;

От Бога пророче украсился еси пророчеством, Илие пречудне, отнюд Богу весь соединився, прелесть обличая, Израильтяны к Божию познанию привел еси.

Богородичен: Солнце рождши Богородице незаходимое, всего мя просвети омраченнаго страстьми и исполни мя Божественнаго света.

Катавасия: Ужасошася всяческая / о божественней славе Твоей: / Ты бо Неискусобрачная Дево, / имела еси во утробе над всеми Бога, / и родила еси Безлетнаго Сына, / всем воспевающим Тя / мир подавающая.

Песнь 6.

Ирмос: Бездна согрешений обыде мя / последняя, но яко пророка Иону, / Господи, Господи, / возведи из истления / живот мой.

Столп благочестия и жития чистаго, садитель чистоты был еси: ангелом же подобник, чудный Илие богоносе.

Гнев ты пророкоубийцы жены устрашив, вязати и решити приимша дождей течение, чудный Илие богати творит.

Возвысил еси колена преклонив, ума превознесенное око, мольбою изрядною решение творя, и бразды земныя упоил еси тучами.

Богородичен: **К**упина Ты в Синаи, неопально приближившия огню, преднаписует Матерь Приснодеву, Всепетая Богородице Марие.

Ин.

Ирмос: **О**чисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже Спасения моего.

Молебное пение приноси к Богу, пророче всечестный, о всех в Божественный храм твой притекающих, да ты всегда яко велика заступника почитаем.

Ум человек не достигнет житие твое, пророче, по достоинству похвалити: паче убо умных чинов возвеличился еси, зря Христово Преображение.

Иже всяческих Господь и творец нам явися, по твоему пророчеству, блаженне Илие, вся человеки призывая к познанию Своему, яко **Человеколюбец**.

Богородичен: **М**арие Чистый девства сосуде, очисти мой ум от страстного омрачения, и исполни благодати и правды сердце мое, Всенепорочная.

Катавасия: **Б**ожественное сие и всечестное / совершающе празднество / богомудрии Богоматере, / приидите руками воспещим, / от Нея рождагося Бога славим.

Кондак, глас 2:

Пророче и провидче великих дел Бога нашего, / Илие великоимените, / вещанием твоим уставивый / водоточныя облаки, / моли о нас Единого Человеколюбца.

Икос: **М**ногое человек беззаконие, Божие же многое человеколюбие зря пророк смущашеся, Илиа яряся, и словеса немилостивна, к Милостивному подвиже, прогневайся возопив, на отмещушыя Тебе, Судие Праведный, но утробу Благого никакоже подвиже, еже мучити Того отметающыя: присно бо покаяния всех ждет Единый Человеколюбец.

Песнь 7.

Ирмос: **К**упина на горе огнеопальная, / и росоносная пещь халдейская, / яве предписа Ты, Богоневесто: / Божественный бо невещественный в вещественном чреве, / Огонь неопально прияла еси. / Темже из Тебе Рождемуся поем: / благословен еси, Боже отец наших.

Преславно Божественною ты воображенною силою облекся пищею четырехдесятидневною, Илие чудный, долгий шествовал еси путь. темже в Хориве глагола еси: благословен Бог отец наших.

Хлад кроток показа и тонок Господа тебе, Илие, по Бозе ревнующу Вседержители: не дух бурен, ни трус, ни огонь страшай. Темже Иисусу Кроткому пел еси: благословен еси, Боже, отец наших.

Богоявления сподобился еси и пророчества, якоже великий Моисей, пророки помазуя Духом, и цари, Илие чудный, и славы на Фаворе Христовы зритель быв, пел еси: благословен еси Боже отец наших.

Богородичен: Раждаеши без семене Безначального и Превечного Господа, Отча Сына, Мудрость же и Силу, напоследок, Пречистая, паче естества плотию, на обновление земных. Темже из Тебе Рождшемуся зовем: благословен Бог отец наших.

Ин.

Ирмос: От Иудеи дошедше отроцы, / в Вавилоне иногда, / верою Троическою пламень пещный попраша поюще: / отцев Боже благословен еси.

Люди Израилевы, с пятидесятона начальником к тебе Божественный Илие пришедшыя, огнем с небесе яко недостойныя попалил еси.

Иже боговидением осияемь, достойно Божественнейший пророк был еси, Илие всечестный, и вааловы жертвы отнюд упразднил еси.

Елико Дух Пресвятыи подаде прорицати, всечестный пророче Илие, прорекл еси о пришествии Сына Божия, и не погрешил всеблаженне. Емуже поем: благословен Бог отец наших.

Студным священником трапезу Иезавелину неправедно ядущым, воистинну судом Божиим, и пророка рукою яд смерти по достоянию отрыгнуся.

Богородичен: Спаси мя, Мати Божия, содержима глубиною согрешений, и всякия врагов исхити злобы, да Твое спасаемь величаю заступление.

Катавасия: Не послужиша твари богомудрии / паче Создавшего, / но огненное прещение мужески поправше, / радовахуся поюще: / препетый отцев Господь и Бог благословен еси.

Песнь 8.

Ирмос: Устрашися отроков благочестивых сообразного души, / нескверного тела, и устранися воспитанный / в безмерном веществе, / неутружден огонь, / присноживущу же изъувядшу пламению, / вечнующая песнь воспевашеся: / Господа вся дела пойте, / и превозносите во вся веки.

Изрядно обрете Ахав рода отражение всегубительное, пророка обличением скверного убийства мерзкое мучение. Фесвитянин же от огнедохновенна ума Жизнодателю песнь воспеваше: Господа вся дела пойте, и превозносите во вся веки.

Дождит тебе огонь с небесе, попаляя, Илие, одержимых пятьдесят сугубо, яко Божию изрядну служителю: держащему бо присноживотную жизнь, боголепно песнь взывал еси: Господа вся дела пойте, и превозносите во вся веки.

Таинника тя показа Христос, яко чистоты садителя, и девства пребожественное прозябение, на Фаворе Божественнаго воплощения, Божества непостижимый свет во своей плоти показав тебе зовущу: Господа вся дела пойте, и превозносите во вся веки.

Богородичен: Всебогатна бысть утроба Божия Матере, яко приемши Слово дебелством плоти, от Нея смешена земнаго зрака по Упостаси, явися град Божий, в немже Вышний жити благоволи. Емуже поем: Господа вся дела пойте, и превозносите во вся веки.

Ин.

Ирмос: Царя небеснаго, / егоже поют вси ангельстии, / хвалите, и превозносите во вся веки.

Иже вся ведый яко Бог, будущих и быти хотящих разум, тебе, Илие, яко верну сущу вверяет, и далече сущая яко близ показывает.

Благочестивым дерзновением вжилив ум твой, блаженне пророче, прорицаеши разстоящаяся, яко близ сущая, всечестный пророче.

Очистив от всякия скверны, Божественный пророче, твой ум, тем и весь свят был еси, к Божественному Свету всех наставляя.

Богородичен: Егоже родила еси Слово паче слова, Богородительнице Чистая, о нас моли верно чтущих Тя.

Катавасия: Отроки благочестивыя в печи, / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела, / и превозносите Его во вся веки.

Песнь 9.

Ирмос: Яже прежде солнца светильника Бога возсиявшаго, / плотски к нам пришедшаго, / из боку Девичу, неизреченно воплотившая, / Благословенная Всечистая, / Тя, Богородице, величаем.

Нетренное человеки шествие на земли пожив, милотию струю Иорданскую Фесвитянин прешед, оружник воздушный неботечное соверши странное шествие Духом.

Благочестия ревностию Фесвитянин опаляемь, на огнезračней колеснице взымається. милоть же сверже, еюже утаитися не возможе, Елиссею одеаясь, приемлет Божественную благодать.

Откровенне боговидец Фесвитянин с Моисеем зрит, яже око не виде, и ухо не слыша, и на сердце человек земнородных не възде, воплощена Господа, на Фаворе Вседержителя.

Богородичен: Напраснаго древняго отъятельную осуждения, и праматере исправление, Юже рода к Богу вину присвоения, к зиждителю мост, Тя, Богородице, величаем.

Ин.

Ирмос: Воистинну Богородицу / тя исповедуем Спасеннии Тобою, / Дево Чистая, / с безплотными лики / Тя величающе.

Зарю невественною Живоначальныя Троицы, пророче Илие обожаемъ: тем тебе вси к Богу о мире молитвенника приводим, блаженне.

На земли тя ангела познахом, Божественный пророче, и на небеси отнюд человека Божия, якоже и сам Господь рече: понеже Илия человек жесток еси, согрешающу Израилю терпети не можеша, взиди ты ко Мне, да Аз доле сниду.

На земли, Божественный пророче, яко безплотен пожил еси: и ныне на небеса возносимъ, со ангельскими лики ликовствуеши, нас свыше назирай, поющих тя блаженне.

Богородичен: Носиши на объятых Бога, носящаго всяческая, и питаеши Питателя, Чистая, нам уподобльшася: Егоже моли, людем Твоим даровати всех лютых избавление.

Катавасия: Всяк земнородный / да възиграется Духом просвещаемъ, / да торжествует же безплотных умов естество, / почитающее священное торжество Богоматере, / и да вопиет: / радуйся всеблаженная / Богородице, Чистая Приснодево.

Светилен:

Подобен: Свете Неизменный:

Свет на огненной четвероконной колеснице, небошественно тя показавый оружника Илие, не пожре вконец: огонь бо языком огненным привлекл еси низу, и изсушил еси тучы.

Слава: На небесныя круги огненною колесницею вознеслся еси, ныне твою совершающыя память верно назирая, яко Света близ сый, свет мысленный нам давай.

И ныне, Богородичен: Иже от Бога миру поданным благим, Ты вина была еси, Богородице: но и ныне моли о общем спасении Благопременнаго Бога.

На хвалитех стихиры на 6, глас 8:

Подобен: Что вас наречем:

Егда ты пророче чудный, / Богу добродетелию и житием чистым, / срастворився с ним, область прием, / тварь по разуму измерил еси, / и двери дождевныя волею затворил еси, / и свыше огонь низвел еси, / и враги погубил еси, / моли спастися душам нашим.

Ревностию Господнею распалюемъ, / беззаконныя цари ты изъобличил еси яве: / студныя священники ты уморил еси тепле, / вжег огонь в воде, блаженне: /

пищу же неделанную источил еси: / и воды Иорданския милотию твоею пресекл еси. / Моли спастися душам нашим.

Егда ты, пророче, показал еси, / на земли яко воистинну юже на небеси жизнь, / жизнью сущею в тебе составною обогатяся, / отрока мертва твоим вдохновением воскресил еси: / смерти кроме на лета лучша пребываеши, / на колесницу огненну всел еси, / на высоту возвышаемь: / моли спастися душам нашим.

Ины стихиры, глас 1, самогласны.

[Германа:] Илиа ревнивый, и страстей самодержец, / на воздухе носимь бяше днесь, / всемирнаго таинник Спасения начинатель. / О славы честныя ейже сподобися небопарный пророк, / и пророков изрядное удобрение! / Сей бо во плоти ангел, / и безплотен человек показася исправленьми, / егоже хваляще рцем: / заступи нас, мудре, в день судный.

Духовными песньми пророки Христовы вси восхвалим: / Илиа бо Фесвитянин небошественник бысть, / и милотию Елисей благодать прият сугубу от Бога: / и светильницы светлии вселенней, / явишася, / моляще непрестанно о душах наших.

Давидски днесь вернии пророка Господня / песньми почтим, / Илию Фесвитянина, и ревнителя пресветла: / сей бо языком небо яко кожу затвори, / и землю плодovitую неплодну сотвори. / О преславнаго чудесе! / Землен человек, / небесем одождити дождя не даде. / О чудесе! тленен человек в нетление одеяся, / и на небеса востече огненною колесницею: / милотию же Елисею сугубу благодать даровав, / царя обличая и люди непокоривыя гладом растлевает, / иереи студныя вся посрами, / и вдовича сына словом воскреси. / Того мольбами, Христе Боже наш, / в мире сохрани православнаго императора нашего, / и победы одоления на враги тому даруй.

Слава, глас 8:

Пророков верховники, / и всесветлыя светильники вселенныя, / в песнях почтим вернии, Илию и Елисея, / и Христу возопием радостно: / благоутробне Господи, подаждь людем Твоим, / мольбами пророк Твоих, / оставление грехов и велию милость.

И ныне, Богородичен:

Владычице, приими молитвы раб Твоих / и избави нас / от всякия нужды и печали.

Славословие великое. И отпуст.

НА ЛИТУРГИИ

Блаженна перваго канона песнь 3-я, и втораго 6-я.

1. **Я**ко изряден пророче учреждитель, иже враном творя тебе гощение, единый насыщай всяко животно благоволения. емуже вси зовем: Ты еси Бог наш, и несть свята паче Тебе, Господи.
2. **Б**лагодать благодетелю и строителю, вдовицу и пророка напитавшему, неизреченным промыслием. емуже вси зовем: ты еси Бог наш, и несть свята паче тебе, Господи.
3. **З**атворивый тученосныя облаки одождити, пищи лишаеме Сареффе, останок брашна непрестанно росити сотвори. Ты же взывал еси: несть свята паче Тебе, Господи.
4. **М**олебное пение приноси к Богу, пророче всечестный, о всех в Божественный храм твой притекающих, да ты всегда яко велика заступника почитаем.
5. **У**м человекъ не достигнет житие твое, пророче, по достоинству похвалити: паче убо умных чинов возвеличился еси, зря Христово Преображение.
6. **И**же всяческих Господь и творец нам явися, по твоему пророчеству, блаженне Илие, вся человеки призывая к познанию Своему, яко Человеколюбец.

Тропарь, глас 4:

Во плоти ангел, пророков основание, / второй предтеча пришествия Христова, / Илия славный, свыше пославый Елиссееви благодать, / недуги отгоняти и прокаженныя очищати: / темже и почитающим его точит исцеления.

Кондак, глас 2:

Пророче и провидче великих дел Бога нашего, / Илие великоимените, / вещанием твоим уставивый / водочныя облаки, / моли о нас Единого Человеколюбца.

Прокимен, глас 4:

Прокимен : Ты иерей во век, * по чину Мелхиседекову.

Стих: Рече Господь Господеви моему: седи одесную Мене, дондеже положу враги Твоя подножие ног Твоих.

Апостол, Иаковля послания, зачало 57.

Бра́тїе: **Ѡ**бразъ прїимїте злострадánїѧ и долготерпѣнїѧ прѣрѣки, иже глаголаша ѥменемъ гдѣнимъ. **С**ѣ, влажїмъ терпѣщыѧ. **Т**ерпѣнїе ѡвѣе слышасте, и кончїи гдѣню

вѣдѣстѣ, ѿкъ многомѣтивъ ѣсть гдѣ и щѣдръ. **П**рѣжде же всѣхъ, братіе моѣ, не кленѣтесѣ ни нѣбѣмъ, ни землѣю, ни иноу коѣю клѣтвѣю: вѣди же вамъ ѣже ѣй, ѣй, и ѣже ни, ни: да не въ лицемѣрїе впадѣте. **С**лостраждетъ ли кто въ васъ; да моли́твѣ дѣетъ: благодѣшствѣетъ ли кто; да поѣтъ. **Б**оли́тъ ли кто въ васъ, да призовѣтъ пресвѣтеры церкѣвныѣ, и да моли́твѣ сотворѣтъ надъ нимъ, помазавше ѣго ѣлѣемъ во ѣмѣ гдѣне: и моли́тва вѣры спасѣтъ волѣцаго, и воздвѣгнетъ ѣго гдѣ: и ѣще грѣхѣи сотворѣлъ ѣсть, ѡпѣстѣтсѣ ѣмѣ. **И**сповѣдайте ѡубо дрѣгъ дрѣгѣ согрѣшѣнїѣи и моли́тесѣ дрѣгъ за дрѣга, ѿкъ да ѣцѣлѣете: много бо мо́жетъ моли́тва прѣнагѣ поспѣшѣствѣема. **И**ліѣа чѣловѣкъ бѣ подобострастенъ намъ, и моли́твѣю помолїсѣ, да не вѣдетъ до́ждь, и не ѡдождї по землї лѣта три и мѣць шѣсть: и пакї помолїсѣ, и нѣбо до́ждь дадѣ, и землѣ прозѣвѣ пло́дъ своѣй. **Б**ратіе, ѣще кто въ васъ заблѣдитъ ѡ пѣти ѣстины, и ѡбратїтъ кто ѣго, да вѣстѣ, ѿкъ ѡбратївый грѣшника ѡ заблѣдѣнїѣи пѣти ѣгѣ спасѣтъ дѣшѣ ѡ смѣрти и покрѣетъ мно́жество грѣхѣвъ.

Аллилуѣа, глас 4: Моисей и Аарон во иереех Его, и Самуил в призывающих Имя Его.

Евангелїе Луки, зачало 14.

Во время оно, дивлѣхсѣ ѡ словесѣхъ блѣтїи, ѣсходѣщихъ ѣз ѡустѣ ѣгѣ, и глаголахъ: не сѣй ли ѣсть снѣ іѡсифовъ; **И** речѣ къ нимъ: всѣкъ речѣте мѣ прїтчѣ сїю: врачѣ, ѣцѣлїсѣ самъ: ѣлика слышахомъ бѣвшѣа въ капернаѣмѣ, сотворї и здѣ во ѡтѣчѣствїи своѣмъ. **Р**ечѣ же: ѣмїнь глѣю вамъ, ѿкъ ни котѣрый прѣрокъ прїѣтенъ ѣсть во ѡтѣчѣствїи своѣмъ: поїстиннѣ же глѣю вамъ: мно́ги вдовїцы бѣша во дни ѣлїнны во іѣли, ѣгда заклѣчїсѣ нѣбо три лѣта и мѣць шѣсть, ѿкъ

вѣсть глѣдъ великъ по всѣй землѣ: и ни ко единаѣи ихъ
посланъ вѣсть илїа, токмо въ сарептѣ сидѣонскѣю къ женѣ
вдовицѣ: и мнози прокажени вѣхѣ при елїссѣи прѣрѣцѣ во
илїи: и ни единаъ же ѿ нихъ ѡчїстисѣ, токмо нееманъ
сѣрїанїнъ. **И** испѣлнишасѣ всї ѣрости въ сонмищи, слышавшїи
сїѣ: и востѣвше изгнаша єго вонъ изъ града, и ведѣша єго до
верхѣ горы, на нейже градъ ихъ созданъ вѣше, да вѣша єго
низрїишѣли: ѡнъ же прошѣдъ посредеѣ ихъ, идѣше.

Причастен: В память вечную будет праведник: